



САЙРАМ АУДАНЫНДА ТҮЙЕ ШАРУАШЫЛЫҒЫ ҚАРҚЫНДЫ ДАМУДА



Түйе өсіру - мал шаруашылығының дәстүрлі салаларының бірі. Көп күтімді қажет етпейтін төрт түліктің шұбаты мың бір түрлі дертке шипа, жанға дауа. Мамандардың ұйғарымынша, түйе сүтінен жасалатын шұбатты қант диабеті, туберкулез, тері және қатерлі ісік сияқты 100-ге тарта ауруды емдеуге пайдалануға болады. Ғылыми зерттеулер түйе сүті жас жеміс пен көкөністі алмастыра алатынын дәлелдейді. Сиыр сүтімен салыстырғанда, шұбатта С дәрумені үш есе, темір 10 есе көп. Шұбат аса сіңімді әрі ішектегі пайдалы бактерияларды көбейтеді.

Тағамдық қасиеті және құнарлылығы бойынша түйе еті сиыр етімен деңгейлес. Ал, шудасынан тоқылған киім емдік қасиетке ие.

Төрт түліктің төресі саналатын жануарды Сайрам ауданында "Бозінген" шаруа қожалығы түйе шаруашылығын қолға алып, сүтті бағытты дамытып отыр. Иесі Әбілқасым Мұстафаев түйелерді Түрікменстаннан 2003 жылы әкелген. Отбасылық кәсіппен 5 шақты адам айналысады. Бүгінде 40-тан астам мал басы бар. Күніне 160-170 литр сүт сауады. Әр литрін 1000 теңгеден саудалап отыр. Жылына 50 тоннадан аса түйе сүтін өндіреді. Жем-

шөп мәселесі шешілген. Жайылым жері де бар. Алдағы уақытта мал басын көбейте түсіп, өнімді түрлендіруді жоспарлап отыр.

Шағын және орта бизнесті дамыту арқылы біз әлеуметтік экономикалық жағдайымызды жақсартамыз. Ал ауылшаруашылық саласында бизнесті дамыту екі есе пайдаға кенелтпек. Бұл бағытта да Түрікстан облысында ауқымды жұмыстар атқарылуда. Бүгінде Сайрам ауданында астық орудың ауыл округінде орналасқан «Нұр Көл» ЖШС-ң 4650 гектар



жері бар. Оның ішінде егіс алқабы: күздік бидай - 2000 га, арпа - 1000 га, мақсары - 1000 га. Серіктестікте 30-дан астам техника бар, 50 шақты адам жұмыспен қамтылған. Қазіргі таңда астық орудың науқаны жүруде.

Аудан негізінен аграрлы өңір. Егін мен мал шаруашылығы да шаруалар меңгерген. Мә-

селен, сайрамдық шаруа Батыр Имамов өз үйінің іргесіндегі 10 соттық жеріне қызанақ, картоп, баялдыр, болгар дақылын еккен. Жылына екі рет өнім алады. Үй іргелік жеріне тамшылатып суару жүйесін енгізген. Үнемді, пайдалы, жер қатпайды, су мен дәрумен - дақылдың түбіне барады. Жүйені орнатуға небәрі 70 мың теңге жұмсаған. Өнімін жергілікті базарда саудалап, жемісін көруде.

Қай іспен шұғылдансаң да, жан-тәніңмен беріліп жасасаң, өз өнбегін берері сөзсіз. Еңбекетсең емерсің деген нақыл сөз текке айтылмаса керек. Ісінің оябын тапқан сайрамдық шаруа аядай жерін тиімді пайдалану арқылы шаруасын дөңгелетіп отыруы көпшілікке үлгі.

Ұлжан ҚАСЫМЖАНҚЫЗЫ.

ЕНДІ ҮЙДЕ ОТЫРЫП ДӘРИГЕРДЕН КЕҢЕС АЛА АЛАСЫЗ

14 Medical Service

1430.KZ ДӘРИГЕРЛЕРДЕН ОНЛАЙН КЕҢЕС

Шымкенттің білікті дәрігерлері 1430.kz сайты арқылы онлайн тегін кеңес беруге көшті.

Аталмыш сайтқа жергілікті емханалардың жалпы тәжірибелік дәрігерлері тіркеліп, қызмет көрсетуге дайын. Олар желі арқылы науқасқа кеңес беріп, алғашқы медициналық көмекті көрсететін болады.

Бұл үшін 1430.kz порталында тіркеліп, қажетті маманды таңдап, онлайн-қабылдауға жазылу жеткілікті. Яғни, қала тұрғыны сайтқа өзінің атымен, логинімен тіркеледі. Сосын тиісті дәрігерін тапқан соң, бос уақытына сай онлайн кеңеске жазылады. Онлайн кеңес уақытына 10 минут қалғанда дәрігер мен пациентке консультация күтіп тұрғандығы туралы смс хабарлама келеді.

Емханалардағы жалпы тәжірибелік және мамандандырылған дәрігерлер, оның ішінде хирург, травматолог, уролог, гинеколог сынды жетпіске жуық маман бүгінде аталған сайтқа тіркелген.

Онлайн қызмет елімізде телемедицинаны дамыту бойынша қолға алынған Start-Up жобалардың бірі. Бұл тәжірибе бұған дейін Нұрсұлтан мен Алматы қалаларында жүзеге аса бастаған.

Шымкент.

Түрікстан облысы Төлеби ауданында ағымдағы жылдың 13 мамыр күні қатты жауын-шашын салдарынан су арналары тасып, сел орын алған болатын. Салдарынан бірнеше үйді су басып, зақымданды. Облыс әкімі Өмірзақ Шөкеевтің тапсырмасына сәйкес, аудандағы 42 үй жарамсыз деп танылып, жаңа баспаналардың құрылысы басталған.

Бүгінде құрылысы қарқынды жүріп жатқан үйлер аяқталуға жақын. Жалпы 42 үй тамыз айының басында толық аяқталып, иелеріне табысталатын болады.

Айта кетерлігі, аталған баспаналардың 17-сі – Леңгір қаласында, 2-і – Киелітас, 22-сі – Сұлтан-Рабат, 1-і – Ынтымақ ауылдарында соғылуда. Қазіргі таңда 22 үйдің шатыры жабылып, терезесі орнатылған. Ішкі электр желісін, жылу жүйелерін жүргізу мен ішкі және сыртқы өрлеу жұмыстары жүріп жатыр. Ал, 20 үйдің шатырын жабу жұмыстары жүргізілсе, 7 үй жуық арада толық аяқталады. Баспаналардың жалпы аумағы – 2640 шаршы метр. Үйлердің құрылысын 9 мердігер мекеме жүргізуде. Құрылысы аяқталған кезде

СЕЛДЕН ЗАРДАП ШЕККЕН ОТБАСЫЛАР ТАМЫЗ АЙЫНДА БАСПАНАЛЫ БОЛАДЫ



селден зардап шеккен отбасыларға 42 баспананың кілті табысталады.

Төлеби ауданына сапар аясында Леңгір қаласындағы №5 мектеп гимназиясын құрылыс-монтаждау жұмыстары таныстырылды. Негізінен 600 орындық мектептің ескі ғимараты жаңғыртылып, қосымша 200 орындық жаңа ғимараттың құрылысы жүруде. Сондай-ақ, мектептің жаңа асханасы мен спорт залы, кітапханасы мен шеберханасы болады. Қазіргі таңда, нысанның құрылыс-монтаж жұмыстары аяқталып, ішкі өрлеу, жылу жүйелерін жүргізу жұмыстары жүргізіліп жатыр. Мердігер мекеме «Қаратау ЛТД» ЖШС-і нысанды биылғы жаңа оқу жылында толық аяқтап, пайдалануға беретін болады.

Салтанат ТОЙБОЛОВА.

Абайдың қара сөздері

ЖИЫРМА АЛТЫНШЫ ҚАРА СӨЗ

Біздің қазақтың қосқан аты алдында келсе, күреске түсірген балуаны жықса, салған құсы алса, қосқан иті өзгеден озып барып ұстаса, есі шығып бір қуанады. Білмеймін, содан артық қуанышы бар ма екен? Әй, жоқ та шығар! Осы қуаныш бәрі де қазақ қарындастың ортасында бір хайуанның өнерінің артылғанына я бір бөтен адамның жыққанына мақтанарлық не орны бар? Ол озған, алған, жыққан өзі емес, яки баласы емес. Мұның бәрі - қазақтың қазақтан басқа жауы жоқ, биттей нәрсені бір үлкен іс қылған кісідей қуанған болып, ана өзгелерді ызаландырсам екен демек.

Біреуді ызаландыр-мақ - шариятта харам, шаруаға залал, ақылға теріс. Әншейін біреуді ыза қылмақтың несін дәулет біліп қуанады екен? Жә, болмаса, ана ыза болушы соншалық неге жер болып қалады екен?

Жүйрік ат - кейде ол елде, кейде бұл елде болатұғын нәрсе, қыран құс та, жүйрік ит те - кейде оның қолына, кейде мұның қолына түсетұғын нәрсе. Күшті жігіт те үнемі бір елден шыға ма? Кейде ана елден, кейде мына елден шығады. Мұның бәрін адам өз өнеріменен жасаған жоқ. Бір озған, бір жыққан үнемі озып, үнемі жығып жүрмейді. Соның бәрін де біле тұра, жерге кіргендей болып я бір арамдығы, жамандығы шыққандай несіне ұялып, қорланады екен? Енді осылардан білсеңіз болады: надан ел қуанбас нәрсеге қуанады һәм және қуанғанда не айтып, не қойғанын, не қылғанын өзі білмей, есі шығып, бір түрлі мастыққа кез болып кетеді. нәм ұялғандары ұялмас нәрседен ұялады, ұяларлық нәрседен ұялмайды. Мұның бәрі - надандық, ақымақтықтың өсері. Бұларын айтсаң, кейбіреуі «рас, рас» деп ұйыған болады. Оған нанба, ертең ол да өлгілердің бірі болып кетеді. Көңілі, көзі жетіп тұрса да, хайуан секілді өуелгі өдетінен бойын тоқтата алмайды, бір тиянақсыздыққа түсіп кетеді, ешкім тоқтатап, ұқтырып болмайды. Не жаманшылық болса да бір өдет етсе, қазақ ол өдетінен еріксіз қорыққанда я өлгенде тоқтайды, болмаса ақылына жеңгізіп, мұным теріс екен деп біліп, ойланып өздігінен тоқтаған адамды көрмессің.

Қатаң карантиндік шектеу шараларының енгізілуіне байланысты табысынан айырылған жағдайда Мемлекеттік әлеуметтік сақтандыру қорынан (бұдан әрі – МӘСК) бір-жолғы төлемді кім алады? Оны тағайындауға өтінішті қалай беруге болады, оларды қабылдау қанша уақытқа созылады? Төлем проактивті форматта кімге тағайындалады? Осы және өзге де сұрақтарға ҚР Президенті жанындағы Орталық коммуникациялар қызметінде өткен брифингте ҚР Еңбек және халықты әлеуметтік қорғау министрі Біржан Нұрымбетов жауап берді.

Өз сөзінде министр Мемлекет басшысының тапсырмасы бойынша 2020 жылдың шілде айында карантиндік шаралардың енгізілуіне байланысты жұмыс істеп жатқан қазақстандықтарға табысы толық жоғалған жағдайда бір ең төменгі жалақы – 42 500 теңге мөлшерінде біржолғы төлем (бұдан әрі – төлем) жүзеге асырылатынын еске салды.


Біржан Нұрымбетовтің айтуынша, жоғарыда аталған төлемге келесі санаттағы азаматтар үміткер бола алады:

- 1) екінші деңгейдегі банктердің қызметкерлерін, банк операцияларының жекелеген түрлерін жүзеге асыратын ұйымдардың және олармен аффилиирленген заңды тұлғаларды, мемлекеттік заңды тұлғаларды (шаруашылық жүргізу құқығындағы мемлекеттік кәсіпорындардың қызметкерлерін қоспағанда), сондай-ақ, акцияларының және жарғылық капиталындағы үлесі 100% мемлекетке тиесілі заңды тұлғаларды қоспағанда, жалақы сақталмайтын еңбек демалысы кезіндегі қызметкерлер;

- 2) жеке кәсіпкерлер;
- 3) жеке практикамен айналысатын адамдар;

- 4) нысанасы жұмыстарды орындау (қызметтерді көрсету) болып табылатын азаматтық-құқықтық сипаттағы шарттар бойынша табыс алатын жеке тұлғалар (бұдан әрі – АҚС шарттары бойынша табыс алатын жеке тұлғалар);
- 5) бірыңғай жиынтық төлемді төлеу-

42500 ТЕҢГЕ ТӨЛЕМІН КІМДЕР АЛА АЛАДЫ?



шілер болып табылатын жеке тұлғалар (бұдан әрі – БЖТ төлеуші).

Жалақысы сақталмайтын демалыста жүрген және төлемге құқығы бар қызметкерлердің тізімін жұмыс берушілер egov.kz және 42500.enbek.kz порталдары арқылы ұсынады. Олардың қызметінің шектелу фактісін құрамына ҰҚП мен кәсіподақтардың өкілдері кіретін аудандық және қалалық штабтар растайды. Басқа санаттар төлемдерді тағайындау үшін өз бетінше өтініш береді. Ол үшін біз бірнеше жолды қарастырдық», – деді Біржан Нұрымбетов.

Жалдамалы қызметкер болып табылмайтын, төлем тағайындауға жататын азаматтар:

- egov.kz – «электрондық үкіметтің» веб-порталы;
- 42500.enbek.kz порталы;
- «Электрондық үкімет» telegram-bot-ы;
- Aitu мессенджерінде 42500.enbek.kz қосымшасы;
- екінші деңгейдегі банктердің мобильді қосымшалары мен интернет-ресурстары арқылы өтініш бере алады.

«Сонымен қатар, біз төлемдерді проактивті форматта тағайындауды қарастырамыз. Біз қызметі шектелген болса, соңғы рет төлем алған азаматтардан SMS арқылы табысын жоғалту фактісін растауды сұраймыз. Оң жауап пен проактивті түрде тағайындауға келісім болған жағдайда, төлемдер өтінішсіз тағайындалады. Олардың порталдарға өтініш беруінің қажеті жоқ, олар өз

мәртебесін одан әрі қадағалай алады», – деп толықтырды министр.

Біржолғы төлем қатаң карантиндік шектеу шараларының енгізілуіне байланысты табыстан толық айырылу фактісі жоқ адамдарға, оның ішінде:

- 1) жұмыс берушінің, жеке кәсіпкердің, жеке практикамен айналысатын адамның немесе азаматтық-құқықтық сипаттағы шарт бойынша табыс алатын жеке тұлғаның қызметі қатаң карантиндік шектеу шараларының енгізілуімен шектелмеген жағдайда;
- 2) жалақысы сақталмайтын демалыста жүрген адамдарды қоспағанда, жыл сайынғы ақы төленетін еңбек демалысындағы немесе әлеуметтік демалыстағы сондай-ақ, еңбек заңнамасына сәйкес тоқтап тұрудың енгізілуіне байланысты жұмысынан босатылған адамдарға;
- 3) ағымдағы жылдың бірінші жартыжылдығында бірыңғай жиынтық төлем төлеу фактісі анықталмаған БЖТ төлеушілерге;
- 4) АҚС шарттар бойынша жұмыстарды орындаудан (қызметтер көрсетуден) табыс алатын, ағымдағы жылғы бірінші жартыжылдықта өздері үшін міндетті зейнетақы жарналары түспеген жеке тұлғаларға;
- 5) зейнетақы жарналарын, мемлекеттік жәрдемақылар, атаулы әлеуметтік көмек алушыларға, қордан төленетін әлеуметтік төлемдерді алушыларға, жұмыспен қамтуға жәрдемдесу шараларымен қамтылмаған адамдарға және Халықты жұмыспен қамту туралы» 2016 жылғы 6 сәуірдегі Қазақстан Республикасының Заңына сәйкес жұмыс күшінің құрамына кірмейтін, Қазақстан Республикасы бас санитариялық дәрігерінің қаулысына сәйкес карантиндік шектеу шаралары енгізілген кезеңде БЖТ төлеген адамдарға;
- 6) толық мемлекеттің қамсыздандыруындағы қылмыстық-атқару жүйесінің мекемелеріндегі адамдарға;
- 7) біржолғы төлем алушының жоғалтылған табысы қалпына келтірілген

жағдайда тағайындалмайды.

«Өтініштерді қабылдау 2020 жылдың 1 қыркүйегіне дейін жалғасады», – деп түйіндеді Біржан Нұрымбетов.

Министрдің жоғарыда айтып өткеніндей Қазақстандықтардың кейбіріне жәрдемақы проактивті тәсілмен төленеді. Проактивті тәсіл дегеніміз не?

Еңбек және халықты әлеуметтік қорғау министрлігі іріктеп алған 1,7 млн. жуық азаматқа өтінішті проактивті тәсілмен беру туралы SMS-хабарлама жолданады. Егер телефоныңызға осындай хабарлама келсе және сіз табысынан уақытша айырылғандар қатарында болсаңыз, хабарламаға жауап ретінде 1 санын жіберіңіз.

Сіздің өтініміңіз автоматты түрде өңделіп, Еңбек министрлігіне жіберіледі және сізге қосымша өтінім берудің қажеті жоқ. Тек төлемнің түсуін күтіңіз. Әлеуметтік төлем алғаш рет 42500 тг аударылған шотыңызға түседі.

Telegramдағы боттар қашан іске қосылады? Олар проактивті СМС-хабарлама тарату аяқталғаннан кейін жақында іске қосылады.

Боттарға төмендегі сілтемелер арқылы өте аласыз:

1. <https://t.me/NurSultan42500Bot>.
2. <https://t.me/Almaty42500Bot>.
3. <https://t.me/Shymkent42500Bot>.
4. <https://t.me/JambylObl42500Bot>.
5. <https://t.me/Kostanai42500Bot>.
6. <https://t.me/Karagandy42500Bot>.
7. <https://t.me/Atyrau42500Bot>.
8. <https://t.me/Turkistan42500Bot>.
9. <https://t.me/Aqtobe42500Bot>.
10. <https://t.me/Pavlodar42500Bot>.
11. <https://t.me/Mangystau42500Bot>.
12. <https://t.me/ZKO42500Bot>.
13. <https://t.me/Quyylorda42500Bot>.
14. <https://t.me/SKO42500Bot>.
15. <https://t.me/VKO42500Bot>.
16. <https://t.me/AlmaObl42500Bot>.
17. <https://t.me/Akmol42500Bot>.

Жалған аккаунттарға сенбеңіз! Тек осы сілтемелерді пайдаланыңыз.

@egovhelpkz

ЕГІСТІК АЛҚАБЫНАН ЕКІ РЕТ ӨНІМ АЛУДЫҢ ПАЙДАСЫ МОЛ



Төлеби ауданы Бірінші мамыр ауыл округіндегі «Баймырза» шаруа қожалығы 3 гектар алқаптан жылына екі рет өнім алады. Серіктестің меңгерушісі Ахмеддин Заиров биыл 1 гектарға - қызанақ, 0,5 гектарға - қияр, 1,5 гектарға - картоп және сәбіз еккен. Қожалықта 4 адам тұрақты жұмыспен қамтылған. Маусымдық кезеңде қосымша 8-10 адам жұмысқа тартылады. Бүгінгі күнге шаруа қиярдан 4 тонна өнім алып, жергілікті сауда орындарына саудаға шығаруда. Жиналған қияр орны қайта өңделіп, 2-өнім ретінде күздік қияр дақылы егілетін болады. Сонымен қатар, картоп пен қызанақ жинау жұмыстары басталған.

Округтегі келесі қожалық «Көл-2005» ЖШС-і. Онда бір алқаптан жылына 2-3 өнім

алу бағытында серіктестік 3 гектар алаңға 2 гектар - қызанақ, 0,5 гектар - қияр және 0,5 гектар - сәбіз егіп жұмыстар жүргізуде. Маусымдық кезеңде 8-10 адам, тұрақты 2 адам жұмыспен қамтылған. Бүгінгі күнге күтіп-баптау жұмыстары жүргізіліп, тамыз айының басында өнім жиналады. Қожалық өнім толық жиналып болған соң, жерді өңдеп, күздік қияр дақылын егуді жоспарлауда.

Егістіктен жылына екі рет өнім аруды кәсіп еткен Бірінші мамыр ауыл округіндегі Улходжаев Раушанбек жеке кәсіпкерлігі 3 гектар жерге - қырыққабат, 1,5 гектарға - қызанақ, 1,5 гектарға - қияр және 0,3 гектарға - болгар бұрышын еккен. Шілде айының соңынан бастап қиярдан алғашқы өнім жинау күтілуде. Онда 4 адам тұрақты жұмыспен қамтылған, маусымдық кезеңде 10-15 адам қосымша жұмысқа тартылатын болады. Шаруа 2-өнімге күздік қызанақ және қияр дақылдарын егуді жоспарлауда.

Төлеби.

Бір ғана Түркістан облысы, Төлеби ауданына қарасты Леңгір қалалық емханасының өзі небәрі 10 күн ішінде 300-ден астам адам өміріне араша болды. Коронавирус инфекциясын жұқтырған 11 симптомсыз науқас пен пневмонияға шалдыққан 23 азаматты анықтап, дер кезінде медициналық көмек көрсеткен. Халі мүшкілдер бірден ауруханаға жеткізілуде. Ал, облыс бойынша қазір дәл осылай аптасына 24 сағат бойы 270 мобильді топ қызмет көрсетуде.

Бір дәрігер және 2 орта буын медициналық қызметкері жұмылдырылған топтар толығымен жеңіл автокөліктермен қамтамасыз етілген. Облыс әкімдігі тарапынан 161 көлік берілген.

Емханалар жанынан COVID-19 және пневмония белгілері бар науқастарда ауруларының асқынуларын алдын алуға, ауруханадан шыққан соң бақылауда ұстау үшін құрылған мобильді топтар созылмалы аурулары бар пациенттерге де үйде қызмет көрсетуде. Жүкті әйелдер мен балаларға көрсетілімдері бойынша патронаж жүргізуде. Азаматтарда ЖРВИ/КВИ/тұмау/пневмония белгілері пайда болған жағдайда, толық медициналық тексеру жүргізеді. Қызметтің бұл түрі халық үшін тегін. Емханаларға ақыны «Әлеуметтік медициналық сақтандыру қоры» төлейді.

270 МОБИЛЬДІ ТОП НАУҚАСТАРДЫ ҮЙЛЕРІНЕ БАРЫП ЕМДЕУДЕ



Емханаларға ақыны «Әлеуметтік медициналық сақтандыру қоры» төлейді.

Түркістан.

ЕЛІМІЗДЕ ЖАҒА StopFake ИНТЕРНЕТ - РЕСУРСЫ ҚОСЫЛДЫ

Ақпарат және қоғамдық даму министрлігі www.stopfake.kz жаңа интернет-ресурсын іске қосты. Бұл сайт фактілерді мұқият тексеріп, ақпараттардың шын-жалғанын анықтап, нәтижесінде олардың фейк, манипуляция, арандату және т.б. екендігін жариялайды.

StopFake бұқаралық ақпарат құралдарында, әлеуметтік желі-

лерде, мессенджерлерде, байланыс каналдарында таратылған ақпараттардың шынайылығын анықтап, талдап, зерттеу нәтижелерін көрсетеді.

Сайтта «Жалған ақпаратқа шағымдану» функциясы бар, ол арқылы кез-келген адам редакцияға хат жолдап, ақпараттың мүмкін еместігі туралы шағым жібере алады. Ре-

дакторлар оның жалғандық дәрежесін анықтап, бұл туралы жаңалықтарды веб-сайтқа жариялайды.

Жалпы алғанда, StopFake қоғамды дұрыс ақпараттандыруға, ақпараттық манипуляциялармен күресуге және қате, жалған хабарламалардың ақпараттық тазалыққа бағытталған.

Елорда.

Елтайдағы бес отбасына жаңа баспаналарының кілтін тапсырды



Өткен аптада Шымкент қаласының әкімі Мұрат Әйтенов табиғи апаттың салдарынан зардап шеккен Елтай тұрғын алабындағы 5 отбасыға баспана кілтін табыстады.

Құрылысы бір жарым айда аяқталған үйлердің өлшемі 11х11 метрді құрайды. Ал, аумағы 112,36 шаршы метр. Сонымен қатар, қабырғасы газоблоктан, шатыры профнастилден салынған. Бұдан бөлек, ішкі және сыртқы өрлеу жұмыстары да жүргізілді. Үйлердің құрылысын «Vi Group» компаниясы өз қаржысы есебінен

жүргізді.

Баспана иелерін жаңа қонысымен құттықтаған қала басшысы аталмыш құрылыс мекемесіне алғысын жеткізді.

Сонымен қатар, Елтай тұрғын алабын қайта қалпына келтіру жұмыстарымен танысқан қала әкімі орташа жөндеуден өткен Баубақша мен Нұрсәт көшелерін аралап көрді.

Жалпы тұрғын алапта 5,5 шақырымды құрайтын 3 көше мен 1 көпірге орташа жөндеу жұмыстары жүргізілуде. Бұл жұмыстарға бюджеттен 186,5 млн. теңге қаржы қаралған.

Індетпен күресте көз жұмған Шымкенттік 9 дәрігер Орденмен марапатталды

Шымкентте коронавирус эпидемиясымен күресте көсіби борышын атқару кезінде қаза тапқан тоғыз дәрігер «Құрмет», «Парасат», «Барыс» орденімен марапатталды. Мемлекеттік награданы қала әкімі Мұрат Әйтенов марқұмдардың отбасына арнайы барып табыстады. Бұдан бөлек, әр отбасыға материалдық көмек ретінде «Қайырымды қала» қорынан қаржы берілді.

Қаза тапқандардың туыстары мен жақындарына көңіл айтқан қала басшысы қызметтік борышын үлгілі атқарып, азаматтардың денсаулығын сақтаудағы табанды еңбектерін ерекше атап өтті.

Естеріңізге салсақ, ҚР Президенті Қасым-Жомарт Тоқаев 2020 жылғы 13 шілде күні қызметтік борышын атқару үстінде көрсеткен жанқиярлығы үшін медицина саласының марқұм болған бірқатар қызметкерлерін марапаттау туралы Жарлыққа қол қойған болатын.

Марапат иелерінің қатарында ауруханалар мен медициналық орталықтардың дәрігерлері, бөлім меңгерушілері, инфекционистер, сонымен қатар, медициналық жедел жәрдем станциясының дәрігерлері бар.

Атап айтқанда, «Құрмет» орденімен марапатталғандар:

- «Қалалық диагностикалық орталық» МКК-

нің дәрігері Күрекбаева Бауыржан Ордабекұлы

- «Қалалық диагностикалық орталық» МКК-нің дәрігері Мамаев Хасым Махмудович

- «№1 қалалық клиникалық аурухана» МКК-

нің дәрігері Мәлібеков Жәнібек Жұмашұлы

- «№8 қалалық емхана» МКК-ның аға медбикесі

Әлмаханова Қазифа Батырханқызы

- «№1 қалалық клиникалық аурухана» МКК-

ның аға медбикесі Байменова Гаухар Аштайқызы

- «Жедел медициналық жәрдем станциясы»

МКК фельдшері Әуелбаев Тимур Айдарханұлы.

«Парасат» орденімен марапатталған:

- «№1 қалалық клиникалық аурухана» МКК-

нің бөлім меңгерушісі Абдикулова Мариям

Қабылбекқызы.

I-дәрежелі «Барыс» орденімен марапатталған:

- «№1 Қалалық емхана» ШЖҚ МКК терапия

бөлімінің меңгерушісі Тажденова Агзипа Насырқызы.

III-дәрежелі «Барыс» орденімен марапатталған:

- «№1 қалалық клиникалық аурухана» МКК-

ның бөлім меңгерушісі Садиев Орынбасар Алипбекұлы

Қазақстанда азық - түлік үшін төлем алынатын 5 әлеуметтік топ анықталды

Еңбек және халықты әлеуметтік қорғау министрлігі биыл шілдеде азық-түлік және тұрмыстық жиынтықтар үшін қаражат төлеуді көздейтін бұйрықты әзірлеп, қабылдады. Қазақстандықтар биыл 20 шілдеден бастап айдың соңына дейін банк карталарына төлем ала бастайды, - деп хабарлайды Tengrinews.kz тілшісі.

Бұйрық күшіне енген кезде 5 әлеуметтік топқа жататын азаматтар алушылар болады. Жергілікті атқарушы органдар қолда бар деректер негізінде азық-түлік және тұрмыстық жиынтық алуға тиісті адамдардың тізімін жасайды. Содан кейін шілдеге, яғни, шектеу шараларының қолданылу кезеңінде алушыларға сомасы 2 айлық есептік көрсеткіш (5302 теңге) мөлшерінде төлем жіберіледі.

5 әлеуметтік топқа:

- атаулы әлеуметтік көмек алушылар қатарынан 6 жастан 18 жасқа дейінгі балалар;

- медициналық-әлеуметтік мекемелерде тұрақты тұратын мүгедектерді қоспағанда, 16 жасқа дейінгі мүгедек балалар;

- медициналық-әлеуметтік мекемелерде тұрақты тұратын мүгедектерді қоспағанда, барлық жастағы I, II, III топтағы мү-

гедектер;

- мүгедек бала тәрбиелеп отырған адамдар;

- жұмыспен қамту мәселелері жөніндегі жергілікті органдар тіркелген жұмыссыз азаматтар жатады.

Бұған дейін хабарланғандай, коронавирус инфекциясын жұқтыру қаупін азайту мақсатында адамдардың тікелей байланысын болдырмау үшін азық-түлік және тұрмыстық жиынтықтар 2 АЕК-тен кем болмайтын мөлшерде алушылардың банк карталарына аударылған төлемге ауыстырылды.

Биыл наурыздан мамырға дейін бұл төлемдер жалпы сомасы 13,5 миллиард теңгеге 1 миллион адамға есептелген.

Еске салайық, 14 шілдеде ҚР премьер-министрі Асқар Мамин үкімет отырысында ҚР Еңбек және халықты әлеуметтік қорғау министрлігіне қазақстандықтарға азық-түлік және тұрмыстық жиынтықтар үшін ақшалай қаражат төлеуді бастауды тапсырған болатын.

Бұған дейін ҚР Президенті қасым-Жомарт Тоқаев коронавирустық инфекцияның таралуына жол бермеу шараларын күшейтуді тапсырды. Табыссыз қалған қазақстандықтарды қолдау үшін жәрдемақылар, біржолғы төлемдер төленді, оның ішінде азық-түлік және тұрмыстық жиынтықтар берілді.

Мегаполиске Ресейден дәрігерлер келді



Шымкент қаласына Ресейден бір топ дәрігер келді. Сапарларының мақсаты – коронавирустық инфекциямен күрес бойынша тәжірибе алмасу. Сондай-ақ, олар COVID-19 коронавирус инфекциясына қарсы күресу

бойынша консультациялық-әдістемелік көмек көрсетеді. Дәрігерлердің арасында инфекционист, реаниматолог, анестезиолог-реаниматолог, эпидемиологтар бар, — деп хабарлайды қала әкімінің баспасөз қызметі.

Қала әкімі Мұрат Әйтенов арнайы топпен кездесіп, қаладағы қазіргі эпидемиологиялық жағдайды баяндады. Сондай-ақ, бірлесе жұмыс жасауда табыс тіледі.

«Бүгінгі таңда әлем бойынша дәрігерлер коронавирустық инфекцияны емдеудің жаңа әдістерін зерттеп, өзара тәжірибе алмасуда. Мемлекеттер арасындағы тығыз ынтымақтастықтың арқасында біліктілік арттырып, тәжірибе алмасу мүмкіндігіне ие болып отыр. Осы орайда, Сіздерді Шымкент қаласында көріп отырғанымызға қуаныштымыз», — деді Мұрат Әйтенов.

Ресейден келген дәрігерлер 3-4 топқа бөлініп, белгілі бір ауруханаға бекітілетін болады. Бүгінде Шымкент өаласында коронавируспен күрес бойынша ем алу шараларын жүргізуге 3264 медицина қызметкері жұмылдырылған.

Оттегіден тапшылық болмайды

Шымкент қаласындағы 4 аурухана базасында арнайы оттегі станциясы орнатылады. Олар қалалық перзентханада, қалалық жұқпалы аурухана мен №1 қалалық ауруханада және №2 көпсалалы ауруханада. Аталған әр медицина мекемелерінде кислородтық 50 төсек-орын ашылады. Бұл туралы қала әкімінің бірінші орынбасары Ербол Садыр мәлімдеді.

Ербол Садыр бұдан бөлек Шымкент қаласында тағы бір кислород өндіретін цех іске қосылатынын атап өтті. Онда күніне 1000-2000 дана оттегі баллоны шығарылақ. Сонымен қатар ол қаладағы кислород өндіретін ірі 3 станцияның жұмысы тұрақты бақылауда екенін айтты.

Оның айтуынша, жалпы қалада 722 кислородтық төсек-орын бар. Ал, қала аумағындағы барлық 24 ауруханада бір күнде 1200 кислородты баллон қажеттілігі туындап отыр.

Шымкентте 305 аулада абаттандыру жұмыстары жүргізіледі

Биыл Шымкент қаласында 305 аулада абаттандыру жұмыстары жүргізіліп, ойын және спорт алаңшалары жаңартылады. Оған республикалық және жергілікті қазынадан 5 млрд теңгеге жуық қаржы бөлінді. Бүгінде 232 аулада абаттандыру жұмыстары басталған.

Аталған құрылыстың сапасын тексеріп, қаржының тиімді игерілуін бақылау мақсатында Шымкент қаласының әкімі М.Әйтенов әл-Фараби ауданындағы атқарылып жатқан абаттандыру және жол жөндеу жұмыстарымен танысты.

Қала әкімі Республика даңғылының бойында орналасқан 43 а, 19, 19а, 19б, 45, 41а көпқабатты үйлердің ауласында болып, ондағы құрылыс жұмыстарын көрді. Ойын және спорт алаңшаларындағы жөндеу

жұмыстарының сапасын қарады.

Аталған құрылысқа жауапты мердігерлер жұмысты толығымен тамызда аяқтауды жоспарлап отыр.

Бірқатар ауланы аралаған әкім, мердігерлерге жұмысшылар арасында санитарлық нормалардың сақталуын және олардың жалақысын уақтылы берілуін жүктеді. Сондай-ақ, жұмыстың сапалы өрі мерзімінде аяқталуын айтты.

Аралау барысында Мұрат Әйтенов сейсмикалық апатты деп танылған Асқаров көшесіндегі №9а көпқабатты тұрғын үйде жүргізіліп жатқан күрделі жөндеу және қалыңқа келтіру жұмыстарын көрді. Аталған тұрғынүйдің күрделі жөндеу жұмыстарын қыркүйек айында аяқтау жоспарлауда.

ӘУЕЖАЙ ҚҰРЫЛЫСЫ АЯҚТАЛУҒА ЖАҚЫН



Түркістан облысының әкімі Өмірзақ Шөкеев облыс орталығында бой көтерген тұрғын үй құрылысы мен әлеуметтік нысандардың құрылысын жіті қадағалауда. Түркістан қаласындағы тұрғын үй құрылыс жұмыстарына мониторинг жасау үшін тиісті жауапты мамандар бекітіліп, құрылыс жұмыстарының күн сайынғы мониторинг жұмыстарын жүргізуде. Тұрғын үйлердің сыртқы қасбеті, электр желілері мен ішкі өрлеу, есік-терезелер орнату жұмыстары жүргізілуде. Облыс басшысы алдағы күз айында ел игілігіне берілетін баспаналардың сапасына баса назар аударуды талап етеді.

Биыл Түркістан қаласында 15 нысанның құрылысы аяқталып, пайдалануға беріледі. Қаладағы көгалдандыру жұмыстарының барысын тексерген облыс әкімі биыл іске қосылатын жаңа нысандардың, драма театр, облыстық ғылыми-әмбебап кітапханасының құрылысын, Қожа Ахмет Яссауи мұражайы нысанының, «Тұңғыш Президент саябағы», Желілік саябақ құрылыстарын аралап көрді. «Өзірет Сұлтан» тарихи-мәдени қорығының визит-орталығы мен «Ұлы дала елі» орталығы салынып жатқан жерлерде болды. Құрылыс жұмыстары жоспарға сай жүріп жатыр.

«Тұңғыш Президент саябағында» бүгінгі таңда су және көріз жүйелері мен кіреберіс аркасының металл-конструкциясы толығымен аяқталған. Сатылы су бұрқақтың бетон құю жұмыстары жүргізілуде. 2 мың түп ағаш отырғызылып, аяқ жолдар төселуде.

Желілік саябақта су бұрқақ құрылысы мен жалпы суару жүйенің 1 кезеңі 100 пайызға орындалған. Сыртқы суғару жүйелерінің құрылысы, ағаштарды отырғызу, газон төсеу жұмыстары мен аяқжолдар,

керуен жолдары және канал жұмыстарының 95% аяқталған. Бассейн орнатылып, көгалдандыру, жарық шамдары қойылып, аяқ жол тақталары толық төселген.

Сонымен қатар, аймақ басшысы Өмірзақ Естайұлы Түркістан қаласынан 20 шақырым қашықтықта құрылысы жүріп жатқан халықаралық әуежайда болып, ондағы жұмыс барысын бақылады. Мемлекеттік-жеке-шелік әріптестік механизмі аясында «Turkistan International Airport» ЖШС-і тарапынан қолға алынған алып құрылыс алаңында жеке әріптестің 341 маманы мен 106 арнайы техникасы жұмылдырылған.

«Түркістан қаласындағы халықаралық әуежайды салу, пайдалану және басқару» МЖӨ-нің келісім шарты Түркістан облысының жолаушылар көлігі және автомобиль жолдары басқармасымен түзілген. Қазіргі уақытта әуежай құрылысының жолаушылар терминалының металл құрылымдарын монтаждау толық аяқталған.

Терминал қабырғаларын қалау жұмыстары - 60% аяқталып, қабырғалардың ішкі-сыртқы қабатын шынымен қаптау жұмыстары басталды. Сондай-ақ, ұшу-қону жолағы, рульдеу жолы мен перронның негізі 100%, ұшу-қону жолағын асфальттеу - 50% аяқталған. Әуежайдың құрылысы барысында өндірістік жұмыс кестесі сақталуда. Сонымен қатар, құрылысқа қажетті материалдар жеткілікті. Әуежайды 2020 жылдың соңына аяқтап, қолданысқа енгізу жоспарлануда. Түркістан облысының бірінші басшысы Өмірзақ Шөкеев нысан басындағы құрылыс жұмыстарымен танысып, әуежай құрылысын сапалы өрі өз уақытында атқарылуын тапсырды.

Қазақстанның қай аймағын алып қарасыз да туризмнің сан-саласын дамытуға сұранып-ақ тұр. Себебі, кең байтақ жеріміздің климаты ерекше, тарихы тереңде, қазба байлыққа кенде емес. Сондықтан да экологиялық, зиярат, медициналық туризмді дамыт әлеуетіне ие. Мемлекет басшысы Қасым-Жомарт Тоқаев «Ұлытау 2019» халықаралық туристік форумында «Біз, қазақ халқы, ұлы тарихи тұлғалардың ізбасар ұрпағы екенімізді ешқашан ұмытпауымыз қажет. Ата-бабаларымыздың рухын туризмнің озық үлгілері арқылы дәріптеуіміз керек. Біз салалық мемлекеттік бағдарлама қабылдадық. Ол толыққанды жүзеге асатын болса, туризмнің Ішкі жалпы өнімдегі үлесі 8% жетеді. Сырттан келетін туристер саны 9 млн ал, ішкі туристер саны 8 млн адам болады. Ал туризм саласында жұмыспен қамтылғандар санын 650 мың адамға жеткізу керек. Туризм өте күрделі сала. Оған тиісті мамандар керек. Сол себепті біз туризм мамандарын дайындайтын университет ашу қажет деген шешім қабылдадық», деді Қасым-Жомарт Тоқаев.

Туризм саласы — экономика ны дамыту көздерінің бірі десек, 2020 жылға дейінгі Қазақ-



тан Республикасының туристік саласын дамыту тұжырымдамасының аясында Нұр-Сұлтан, Алматы, Шығыс Қазақстан, Батыс Қазақстан және Түркістан облысында 5 аймақтық кластерлер анықталған болатын. Астана және Алматы қалалары бизнес-туризмнің даму орталықтарына жатқызылып, Шығыс Қазақстан — экологиялық туризмді, ал Алматы қаласы — тау туризмін дамыту орталығы, Оңтүстік Қазақстан — мәдени туризмді дамыту орталығы, ал Батыс Қазақстан аумағы мәдени, «жағажай» демалыс туризмін дамыту өңірі ретінде қарастырылды. Бүгінде елімізде 9 мыңнан аса археологиялық және тарихи мұралар, 118 ерекше қорғалатын табиғи аумақтар, олардың арасында 11 мемлекеттік ұлттық табиғи парк ашылған. Қазақстанды бүкіл дүниежүзіне танытуда туризм саласының да қосар үлесі аз болмаса керек.

Түркістан облысында мәдени туризмді дамытуға басымды жерлер көп болғанымен, бизнес туризм, емдік, яғни медициналық, тау және экологиялық туризмді де дамытуға әлеуетті. Мәселен, Төлеби, Түлкібас, Қазығұрт аудандары экологиялық, емдік

САРЫАҒАШТАҒЫ ШИПАЖАЙЛАРДЫҢ ТУРИСТЕРДІ ТАРТУҒА МҮМКІНДІГІ МОЛ



туризмді дамытуына бейімді болса, Түркістан, Кентау, Арыс қалалары мен Бөйдібек, Мақтаарал, Жетісай аудандары зиярат немесе мәдениет туризмін дамытуға қауқарлы. Ал, Шардара ауданы жағажай туризмін дамыту әлеуетіне ие. Дегенмен, минералды суымен тек қана Қазақстан ғана емес, алыс және жақын шетелдерге таныс Сарыағаштың емдік суы медициналық туризмді дамытуға қауқарлы.

ондағы минералдардың магний, кальций, темір, йод, фтор, калийдің мөлшері мен табиғилығына байланысты әр түрлі болатыны белгілі.

Тазартылған және асханалық ауыз судан табиғи минералды судың айырмашылығы ол құрылымы жағынан жақсы, ағзаға қуат береді, осылайша түрлі вирустар мен инфекцияларға қарсы тұруға көмектеседі.

Табиғи минералды су ағза тонусын жақсартады, сондықтан дәрігерлер мұндай суды ауқымды ақыл-ой еңбегі және физикалық жүктемелер кезінде ішуге кеңес береді. Сонымен қатар, ол жүйке жүйесіне, артериялық қысым көрсеткішіне оң әсер етеді.

Мемлекет басшысы Қасым-Жомарт Тоқаевтың «СЫНДАРЛЫ ҚОҒАМДЫҚ ДИАЛОГ – ҚАЗАҚСТАННЫҢ ТҰРАҚТЫЛЫҒЫ МЕН ӨРКЕНДЕУІН НІГІЗІ» атты халыққа арнаған Жолдауында халық денсаулығына жіті көңіл бөлуін тапсырған болатын.

Сарыағаштағы табиғи минералды суы бүгінде туристерді өзіне тартуда. Ұлы жазушы Мұхтар Әуезов «Орта Азия көлемінде Сарыағаш суына паралай айтпаса керек. Туристер дертке дауа, жанға шипа минералды сумен ем алып қана қоймай Ұлы Жібек Жолының бойында орналасқан мекенде өзге де туризмнің бағыттарымен демалуға мүмкіндік жоғары. Түркістан қаласы мен Бөйдібек, Отырар аудандарына зиярат туризмімен қанықса, Төлеби және Қазығұрт аудандарында экологиялық туризм аясында саяхаттауға мүмкіндік мол. Ал, жағажай туризмін ұнататындар іргесіндегі Шардара ауданына барып та демалуына бек мүмкін.

Мемлекеттен қолдауға ие болып отырған саялы Сарыағаш болашақта Есентуки, Кисловодск сияқты курорттық қалаға айналып кетуі ғажап емес. Себебі, соңғы жылдары сервисі де едәуір жақсарған курорттық аймақ жылдан жылға ілгерілеп, дамып келеді. Біз де өз кезегімізде шипажай туризмінің шетелдіктер тарапынан да зор сұранысқа ие болуына тілектеспіз.

Бетгідайындаған:
Ұлжан
ҚАСЫМЖАНҚЫЗЫ.



